

գարարձականում եկեղեցւոյ, կամ առ Տօմինիքանս :... Իսկ սպասաւորն երթեալ եզիտ գօթեւան առ Տօմինիքանս, բայց դժուարութեամբ. զի խղճէին, գուցէ խնդրակէ զկնի հասեալք և առ նոսա գտեալք զիս, ինքեանք վնասապարտք գտանիցէին: Երեկոյն ուրեմն գնացի առ նոսա. և Փաթէր փրութօրն Ֆիլիպ Ֆանթովից, առ ի խուցն իւր հրաւիրեաց ի խօսակցութիւն. և ի մէջ այլոց բանից՝ ասէ. Վանքս աղքատ է, և սակաւ եղբարք բնակեմք, ոչ ունեիով զգիպաւորութիւն, և ոչ զանկողինս բաւական: Իբր կամէր այսու առ բարեւ զինքն, եթէ ոչ պաշտպանիցէր ինձ. կամ զկերլի կամ զանկողինս. և այնպէս գալջօրէն, մանաւանդ թէ ցրտաբար խօսէր, մինչ զարմանալ իմ: Ապա հանեալ զտուփ թապաքին յազնիւ յոսկրէ կրիայի, արծաթակազմն և փայլուն յոյժ, և յունչն էազ զհոս ակորժ խառնուածոց թապաքին, իսկոյն փոխեալ զկիրս ոգոյն, սկսաւ ջերմաւ սիրով խօսել, և կարեկցաբար և փոյթ կոչեաց զպաշտօնայն, և հրամայեաց զբարձս և զանկողին իւր փետրալի տանել ի խուցն ինձ պատրաստեցեալ: Առեմ ընդ միտս. Ո՛վ տուփ, զօրաւորագոյն ես դու ի շարժել զսիրտ առ գութ, քան զտկարութիւնս իմ, և զհիւժեալ ծիրութիւնս: Յետ փոքու միոյ ողջունեալ գնա՛ գնացի. և նպաստիւ փափկագունի անկողնոյն քրտնեալ ի զիշերի՛ ցրտեցաւ ջերմութիւնս, և առաւօտուն գտի և զվէրս առողջացեալս, և զոհացայ զբարեբարութենէն Աստուծոյ:

14. Ի կիրակէի առաւօտուն ետու փոքրաւորին զլօթիս 10, զի հոգայցէր զպակասութիւն իւր. այս է, զխօշիկս, շապիկս, և զայլս պիտոյս, նա և զկերակուր և զըմպելի. զի վանքն և ոչ զգարէջուր պաշտպանէր մեզ. մանաւանդ թէ և զպոյտս կամ զգորակ ջրոյ կամ դրգալ մի կամ զփայտ ոչ կամեցան տալ. զորս ամենեռեսան հարկ եղև գնել. և մնաց միայն 3 զլօթի առ իս: Եւ մինչ խորհէի, թէ զիարզ զառաջիկայ ճանապարհն փաղաճեալի կարիցէի այնու փոքր զրամով, զի թէ և ունէի ընդ իս մատանի մի շափուղայ, ո՞վ կարէր անդ ոք գնել, կամ ի գրաւ առնուլ. ահա նախատեսութեամբն աստուածայնով ժամանեաց անդր փոռզիտէնս Թրինաթարաց (նախագահ՝ կամ առաջնորդ Trinitari միանձանց), Փաթէր Մաթիաս սպանիացի, նախածանօթ իմ. որում զացուցին Տօմինիքանք, թէ իցէր առ նոսա ոմն փախստական ի Լէօպօլսոյ. բայց զով ոք լինելն տգիտանային, թէ եկեղեցական կամ աշխարհական իցէր. և խնդրեցին այց առնել և գիտել: Իբրեւ եմուտ ի ներքս՝ իսկոյն ծանեալ, թէ և այլակերպեցիալ իցէի. և փարեալք զմիմեամբք ողջագուրելով ինդութեամբ, ոչ առանց արտասուաց, հարցանէր զվանէրն և զորպէսն զաւոյս. զոր իբրեւ բացատրեցի պարագայիւք հանդերձ, յայտնեցի իբրեւ բարեկամի և զչքաւորութիւնս. որ մեծաւ սիրով մտերմականաւ մխիթարեալ զիս, մատոյց զինքն պատրաստ ի ընու զպակասութիւնս: Մինչ պատաղեցեալք էաք ի ճառումն դիպուածոյն Լէօպօլսոյ, և կն ի վերայ Փաթէր Յիրինա՛ կվարտիան Տրանչիպանաց Լէօպօլսոյ, նմանապէս ծանօթ իմ. աճեաց աստէն ինդութիւնս, և մոռացումն եղև վշտաւ.